

Tarikh Dibaca: 16 Jun 2017M | 21 Ramadhan 1438H

KHUTBAH JUMAAT

Tajuk:

“KE SYURGA BERSAMA KELUARGA”

Terbitan:

Unit Khutbah

Bahagian Pengurusan Masjid

JABATAN AGAMA ISLAM SELANGOR



SENARAI AHLI JAWATANKUASA KHUTBAH NEGERI SELANGOR 2017

- 1. SS. Dato' Haji Haris Bin Kasim (Pengerusi)**
Pengarah Jabatan Agama Islam Selangor
- 2. SS. Dr. Haji Anhar Bin Haji Opir (Ahli)**
Timbalan Mufti, Jabatan Mufti Negeri Selangor
- 3. Tuan Haji Idris Bin Ramli (Setiausaha)**
Ketua Penolong Pengarah, Bahagian Pengurusan Masjid, JAIS
- 4. Yg. Berbahagia Dr. Haji Osman Bin Haji Sabran (Ahli)**
Pensyarah, Universiti Selangor
- 5. Dato' Haji Abdul Majid Bin Omar (Ahli)**
Ahli Jawatankuasa Fatwa Negeri Selangor
- 6. Tuan Haji Hamid Bin Md Isa (Ahli)**
Pensyarah, Kolej Universiti Islam Selangor
- 7. Tuan Haji Md. Sahari Bin Abdullah (Ahli)**
Ahli Jawatankuasa Fatwa Negeri Selangor
- 8. Tuan Haji Abdul Halem Hapiz Bin Salihin (Ahli)**
Ketua Penolong Mufti (Fatwa), Jabatan Mufti Negeri Selangor
- 9. Ustaz Muhammad Farhan Bin Wijaya (Ahli)**
Imam Besar Masjid Sultan Salahuddin Abdul Aziz Shah
- 10. Ustaz Indera Shahril Bin Mohd Shahid (Ahli)**
Pegawai Majlis Agama Islam Selangor
- 11. Ustaz Hairol Azmi Bin Khairudin (Urusetia)**
Penolong Pengarah Unit Khutbah, BPM, JAIS



"KE SYURGA BERSAMA KELUARGA"

الْحَمْدُ لِلَّهِ الْقَائِلِ: إِنَّا أَنْزَلْنَاهُ فِي لَيْلَةٍ مُبَرَّكَةٍ إِنَّا كُنَّا

مُنذِرِينَ ¹ 

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ
أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى
سَيِّدِنَا مُحَمَّدٍ وَعَلَىٰ آلِهِ وَأَصْحَابِهِ أَجْمَعِينَ.
أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أُوصِيكُمْ
وَأَيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى:
يَا أَيُّهَا الَّذِينَ آمَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ
إِلَّا وَأَنْتُمْ مُسْلِمُونَ.

Muslimin yang dirahmati Allah sekalian,

Dalam suasana bulan Ramadhan yang diberkati ini, marilah kita berusaha meningkatkan ketakwaan kehadiran Allah SWT dengan melaksanakan segala perintah-Nya dan menjauhi segala larangan-Nya. Supaya kita mendapat keredhaan Allah SWT di dunia dandi akhirat.

Khutbah kita pada hari ini bertajuk **"KE SYURGA BERSAMA KELUARGA"**.

Hadirin yang dikasihi Allah,

¹ Ad-Dukhan : 3



Alhamdulillah, bersyukur kita kehadiran Allah SWT kerana dapat melaksanakan ibadah di bulan Ramadhan ini, sesungguhnya ganjaran pahalanya amat besar terutama pada satu malam yang istimewa yang dinamakan Lailatul-Qadr yang bererti malam penentuan dan kemuliaan. Allah SWT menjelaskannya dalam surah al-Qadr ayat 2 dan 3;

وَمَا أَدْرَاكَ مَا لَيْلَةُ الْقَدْرِ ﴿٢﴾ لَيْلَةُ الْقَدْرِ خَيْرٌ مِّنْ أَلْفِ



"Dan apakah engkau dapat mengetahui apa dia kebesaran malam al-Qadr itu?. Malam al-Qadr itu lebih baik daripada seribu bulan".

Ayat ini menjelaskan bahawa ganjaran kepada mereka yang berjaga malam kerana beribadah di malam Lailatul-Qadr adalah lebih besar daripada beribadah selama seribu bulan daripada bulan lain. Ia adalah satu anugerah yang diberikan kepada umat Nabi Muhammad SAW sahaja.

Persoalannya, bilakah akan berlaku Lailatul-Qadr?

Perkara ini sering menjadi tanda tanya ahli ibadah. Secara pasti memang dirahsiakan oleh Allah SWT. Dalam beberapa hadis dan riwayat menyatakan hikmah dirahsiakan supaya orang yang beriman melakukan ibadah sepanjang Ramadhan. Walaupun begitu terdapat beberapa hadis meriwayatkan mengenai Lailatul-Qadr antaranya hadis daripada Ubadah Bin as-Somit R.Anhu bahawa Rasulullah SAW bersabda:

هِيَ فِي رَمَضَانَ التَّمِسُّوْهَا فِي الْعَشْرِ الْاَوَاخِرِ،
فَاِنَّهَا وَتُرَّى فِي اِحْدَى وَعِشْرِينَ، اَوْ ثَلَاثٍ وَعِشْرِينَ،



أَوْ خَمْسٍ وَعِشْرِينَ، أَوْ سَبْعٍ وَعِشْرِينَ، أَوْ تِسْعٍ
وَعِشْرِينَ أَوْ فِي آخِرِ لَيْلَةٍ، فَمَنْ قَامَهَا إِيْمَانًا
وَاحْتِسَابًا، غُفِرَ لَهُ مَا تَقَدَّمَ مِنْ ذَنْبِهِ وَمَا تَأَخَّرَ.

"Lailatul-Qadr itu dalam bulan Ramadhan, carilah ia pada malam-malam sepuluh yang akhir dan yang ganjil, iaitu pada malam-malam 21 atau 23 atau 25 atau 27 atau pada malam 29 pada malam yang terakhir dari bulan Ramadhan. Maka sesiapa yang beribadah mendirikanannya kerana iman dan mengharap pahala maka akan diampunkan dosa-dosanya yang telah lalu dan yang akan datang".

(Riwayat Ahmad).

Hadirin yang dirahmati Allah sekalian,

Ramadhan merupakan bulan dimana kitab-kitab Allah diturunkan kepada para Nabi termasuk al-Quran. Hadis daripada Wasilah Bin al-Asqa' bahawa Rasulullah SAW bersabda yang bermaksud:

"Kitab yang diturunkan kepada Ibrahim pada malam pertama bulan ramadhan, Taurat diturunkan pada 6 Ramadhan dan Injil diturunkan pada 13 Ramadhan".

(Riwayat Ahmad).

Manakala malam yang telah diturunkan al-Quran pada bulan Ramadhan dinamakan malam Lailatul-Qadr dan malam yang diberkati. Sebagaimana firmna Allah SWT dalam surah al-Qadr ayat 1:

إِنَّا أَنْزَلْنَاهُ فِي لَيْلَةِ الْقَدْرِ



"Sesungguhnya Kami telah menurunkan (Al-Quran) ini pada malam Qadr".

Al-Quran yang diturunkan pada malam al-Qadr itu adalah mukjizat terbesar penuh dengan hikmah, panduan dan petunjuk, untuk mengubah kehidupan umat manusia daripada seorang yang derhaka kepada seorang yang taat setia, daripada seorang yang ganas kepada seorang yang berperikemanusiaan, daripada kumpulan yang berpecah belah menjadi kumpulan yang bersatu padu.

Menurut tafsir al-Maraghiy, malam al-Qadr itu dianggap sebagai perletakan batu asas agama Islam, yang menjadi penutup kepada seluruh agama para anbia'. Penurunan al-Quran adalah sesuai dengan tuntutan zaman dan tempat. Sebelum ini penduduk Mekah hidup dalam kesyirikan dengan menyembah berhala.

Muslimin yang dirahmati Allah sekalian,

Sebagai seorang Muslim, sewajarnya kita berusaha meningkatkan amal kita dan keluarga kita yang dapat menyampaikan kita ke syurga bersama-sama melalui hubungan dengan Allah seperti melaksanakan solat Tarawih, membaca al-Quran, beristighfar, berzikir, berdoa dan sebagainya semata-mata mengharap keredhaan Allah SWT.

Allah menjanjikan keampunan kepada mereka yang beribadah dimalam Lailatul-Qadr sebagaimana hadis daripada Abu Hurairah R.Anhu bahawa Rasulullah SAW bersabda:

مَنْ قَامَ لَيْلَةَ الْقَدْرِ إِيمَانًا وَاحْتِسَابًا، غُفِرَ لَهُ
مَا تَقَدَّمَ مِنْ ذَنْبِهِ



"Sesiapa yang beribadat pada malam Lailatul-Qadr dengan penuh keimanan dan mengharapkan keredhaan Allah SWT, akan diampuni segala dosa yang telah dilakukan dahulu".

(Riwayat al-Bukhari dan Muslim).

Nabi Muhammad SAW walaupun seorang Rasul yang bersifat maksum, terpelihara daripada melakukan sebarang dosa serta terjamin syurganya, masih terus melakukan ibadah seperti iktikaf di Masjid Madinah terutama pada malam-malam sepuluh terakhir bulan Ramadhan. Hal ini diceritakan oleh Aisyah R.Anha katanya:

كَانَ النَّبِيُّ ﷺ إِذَا دَخَلَ الْعَشْرُ الْأَوَّلُ مِنْ رَمَضَانَ أَحْيَا اللَّيْلَ وَأَيْقَظَ أَهْلَهُ وَجَدَّ وَشَدَّ الْمُنَزَّرَ

"Adalah Rasulullah SAW ketika masuk sepuluh akhir bulan Ramadhan, baginda menghidupkan malam tersebut dengan membangunkan keluarga untuk meningkatkan kesungguhan beribadat serta tidak menggauli isteri".

(Muttafaqun Alaih).

Isteri baginda Aisyah R.Anha juga tidak mahu ketinggalan beramal dalam bulan ini, katanya: *"Aku bertanya kepada Rasulullah SAW, sekiranya aku bertemu Lailatul-Qadr, apakah doa yang perlu aku baca? Rasulullah SAW menjawab, bacalah:*

اَللّٰهُمَّ اِنَّكَ عَفُوٌّ تُحِبُّ الْعَفْوَ فَاعْفُ عَنِّي

"Ya Allah, sesungguhnya engkaulah Tuhan yang pemaaf, yang menyukai perbuatan memaaf, maafkanlah kesalahanku".

(Riwayat Imam Ahmad, Ibnu Majah dan at-Tabrani).



Pada malam al-Qadr, seluruh para malaikat turun ke bumi bersama-sama berdoa dan mendoakan orang-orang yang sedang beribadat sehingga terbit fajar. Mereka akan memperolehi kedamaian dan kesejahteraan di dunia dan di akhirat. Sebagaimana ayat 5 surah al-Qadr:

سَلَامُهَا حَتَّىٰ مَطْلَعِ الْفَجْرِ

"Sejahteralah malam (yang berkat) itu hingga terbit fajar!"

Hadirin sidang Jumaat sekalian,

Imam al-Ghazali dalam kitab Ihya Ulumuddin menceritakan kisah empat puluh orang tabi'in yang melakukan solat subuh dengan wuduk solat Isyak, bermakna mereka terus beribadah tidak tidur sepanjang malam. Qatadah R.Anhu pula pernah membaca seluruh al-Quran sehingga khatam setiap tiga malam sekali dalam bulan Ramadhan. Pada sepuluh malam yang terakhir, beliau mengkhatamkan seluruh al-Quran pada setiap malam. Demikian pula al-Imam as-Syafie Rahimahullah pernah khatam al-Quran sebanyak enam puluh kali dalam bulan Ramadhan.

Demikian juga selepas zaman Nabi SAW, amalan penduduk Madinah melaksanakan solat sunat Tarawih sebanyak 36 rakaat di Masjid Nabawi kerana ingin mengimbangi kelebihan penduduk Mekah yang solat sunat terawih sebanyak 20 rakaat dan setiap empat rakaat diikuti dengan tawaf, demikianlah semangat berlumba-lumba mereka memperbanyakkan ibadat kepada Allah SWT dalam bulan yang diberkati ini.

Melalui contoh-contoh tersebut, semoga dapat menyuntik semangat kita untuk meningkatkan ibadah, berkorban masa dan tenaga mendirikan solat terawih 20 rakaat setiap malam dan membaca al-Quran sekurang-



kurangnya sekali khatam dalam bulan ini dengan bacaan secara tartil insyaallah.

Muslimin yang dikasihi Allah sekalian,

Atas kesempatan kita berada di bulan yang mulia ini, marilah kita bersama-sama memperbanyakkan amalan sebagai tanda syukur ke hadrat Allah SWT diatas segala nikmat yang dikurniakan kepada kita.

Mengakhiri khutbah pada hari ini, marilah kita menghayati tausiah seperti berikut:

1. Sebagai seorang yang beriman, kita wajib menunaikan segala perintah Allah dan yakin dengan ganjaran yang dijanjikan-Nya.
2. Umat Islam hendaklah sentiasa meningkatkan ibadah untuk meraih seberapa banyak ganjaran pahala khususnya pada sepuluh malam terakhir bulan Ramadhan.
3. Umat Islam wajib mentarbiah anak dan keluarga, agar berpuasa dengan sempurna, menggalakkan solat terawih, membaca al-Quran, beristighfar dan berdoa.
4. Umat Islam hendaklah bersungguh-sungguh beribadah bersama keluarga dan menghindarkan perkara-perkara yang memudharatkan dengan membeli dan membakar mercun hingga mendatangkan kecederaan.



أَعُوذُ بِاللَّهِ مِنَ الشَّيْطَانِ الرَّجِيمِ
إِنَّا أَنْزَلْنَاهُ فِي لَيْلَةِ الْقَدْرِ ﴿١﴾ وَمَا أَدْرَاكَ مَا لَيْلَةُ الْقَدْرِ
﴿٢﴾ لَيْلَةُ الْقَدْرِ خَيْرٌ مِّنْ أَلْفِ شَهْرٍ ﴿٣﴾ تَنَزَّلُ الْمَلَائِكَةُ
وَالرُّوحُ فِيهَا بِإِذْنِ رَبِّهِم مِّن كُلِّ أَمْرٍ ﴿٤﴾ سَلَامٌ هِيَ حَتَّى
مَطْلَعِ الْفَجْرِ ﴿٥﴾

"Sesungguhnya Kami telah menurunkan (al-Quran) ini pada malam Lailatul-Qadr. Dan apa jalannya engkau dapat mengetahui apa dia kebesaran malam Lailatul-Qadr itu?. Malam Lailatul-Qadr lebih baik daripada seribu bulan. Pada malam itu, turun malaikat dan Jibril dengan izin Tuhan mereka, kerana membawa segala perkara (yang ditakdirkan berlakunya pada tahun yang berikut). Sejahteralah malam (yang berkat) itu hingga terbit fajar!

(al-Qadr; 1-5).



بَارَكَ اللَّهُ لِي وَلَكُمْ فِي الْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ
السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ
وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ
هُوَ الْغَفُورُ الرَّحِيمُ.

Majid/Nurul
31.05.2017



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى
آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ
الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ،
أَوْصِيَكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.

Sidang Jumaat yang dirahmati Allah SWT,

Mimbar Jumaat sekali lagi berpesan supaya kita sentiasa bertakwa kepada Allah SWT dan menyedari bahawa Islam mengajar kita supaya bersikap sederhana dalam segala amalan. Kita amatlah dituntut agar menampilkan kemuliaan akhlak, sikap dan keperibadian tinggi kerana Rasulullah SAW diutus untuk menyempurnakan akhlak dan sebagai rahmat bagi seluruh umat dan sekalian alam. Oleh itu marilah kita sentiasa memperbanyakkan solawat dan salam ke atas Nabi kita Muhammad SAW. Firman Allah SWT:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا
صَلُّوا عَلَيْهِ وَسَلِّمُوا تَسْلِيمًا.



اَللّٰهُمَّ صَلِّ وَسَلِّمْ عَلٰى سَيِّدِنَا وَمَوْلَانَا مُحَمَّدٍ سَيِّدِ
الرُّسُلَيْنِ وَارْضَ اللّٰهُمَّ عَنْ اَصْحَابِهِ وَقَرَابَتِهِ
وَاَزْوَاجِهِ وَذُرِّيَّاتِهِ اَجْمَعِينَ.

اَللّٰهُمَّ اغْفِرْ لِلْمُسْلِمِيْنَ وَالْمُسْلِمَاتِ وَالْمُؤْمِنِيْنَ
وَالْمُؤْمِنَاتِ الْاَحْيَاءِ مِنْهُمْ وَالْاَمْوَاتِ، اِنَّكَ سَمِيعٌ
قَرِيبٌ مُّجِيبُ الدَّعَوَاتِ يَا قَاضِيَ الْحَاجَاتِ. اَللّٰهُمَّ
اِنَّا نَسْأَلُكَ وَنَتَوَسَّلُ اِلَيْكَ بِنَبِيِّكَ الْاَمِيْنِ، وَنَسْأَلُكَ
بِاسْمَائِكَ الْحُسْنٰى وَصِفَاتِكَ الْعُظْمٰى اَنْ تَحْفَظَ
بِعَيْنِ عِنَايَتِكَ الرَّبَّانِيَّةِ وَبِحِفْظِ وَقَايَتِكَ
الصِّمْدَانِيَّةِ، جَلَالَةَ مَلِكِنَا الْمُعْظَمِ سُلْطَانَ
سَلَاطُوْر، سُلْطَانَ شَرْفِ الدِّيْنِ اَدْرِيسِ شَاهِ الْحَاجِ
ابْنِ الْمَرْحُومِ سُلْطَانَ صَلَاحُ الدِّيْنِ عَبْدِ الْعَزِيْزِ
شَاهِ الْحَاجِ. اَللّٰهُمَّ اَدِمِ الْعَوْنَ وَالْهِدَايَةَ وَالتَّوْفِيْقَ،
وَالصِّحَّةَ وَالسَّلَامَةَ مِنْكَ، لَوْلِيَّ عَهْدِ سَلَاطُوْر،
تَغْكُوْ اَمِيْر شَاهِ ابْنِ السُّلْطَانَ شَرْفِ الدِّيْنِ اَدْرِيسِ
شَاهِ الْحَاجِ فِيْ اَمْنٍ وَصَلَاحٍ وَعَافِيَةٍ بِمَنْكَ وَكَرَمِكَ



يَا ذَا الْجَلَالِ وَالْإِكْرَامِ. اَللّٰهُمَّ اَطْلُ عُمْرَهُمَا
مُصْلِحَيْنِ لِلْمُوظَّفَيْنِ وَالرَّعِيَّةِ وَالْبِلَادِ، وَبَلِّغْ
مَقاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam, sebagai negeri yang maju, sejahtera dan berkebakikan dibawah naungan dan pimpinan raja kami sebagai ketua agama Islam di negeri ini.

Justeru kami pohon kehadiran-Mu ya Allah, tetapkanlah iman dan pegangan kami kepada Ahli Sunnah Wal-Jamaah, terimalah amalan soleh kami, suburkanlah jiwa kami dengan budi pekerti yang mulia, satukanlah hati-hati kami, kurniakanlah kami rezeki yang luas lagi barakah, kayakanlah kami dengan ilmu yang bermanfaat, lindungilah kami daripada bala bencana dan peliharalah kami daripada ajaran sesat seperti Syiah, Qadyani, dan lain-lain ajaran yang difatwakan menyeleweng dari ajaran Islam atau bertentangan dengan pegangan Ahli Sunnah Wal Jamaah. Ya Allah bukannya hati kami untuk mendirikan solat fardhu lima waktu, menunaikan zakat melalui Lembaga Zakat Selangor, mewakaf dan menginfaqkan harta melalui Perbadanan Wakaf Selangor dan Tabung Amanah Pembangunan Islam Selangor.



رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ
ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُوا لَهُ عَلَىٰ
نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِيكُمْ
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.
